

RASIM SKOMORAC

Sve vas srdačno selamim i pozdravljam. Za danas sam pripr ... pripremio jednu inicijativu. To je inicijativa za izmjenu Zakona o javno-privatnom partnerstvu Zeničko-dobojskog kantona. Ovom prilikom, dakle, upućujem inicijativu za izmjenu Zakona o javno-privatnom partnerstvu Zeničko-dobojskog kantona objavljenog u Službenim novinama ZDK broj 6/16 i to kako slijedi: pod 1. u članu 6. tačka b) dio „u svrhu realizacije ugovora o javno-privatnom partnerstvu javni partner prenosi na privatnog partnera pravo građenja“ izmijeniti da glasi: „u svrhu realizacije ugovora o javno-privatnom partnerstvu javni partner može na privatnog partnera prenijeti određena stvarna ili druga prava i/ili mu dodijeliti koncesiju i/ili plaćati privatnom partneru naknadu u novcu“. Pod 2. u članu 6. tačka d) brisati dio „i bez plaćanja naknade“. Pod 3. u članu 8. tačka a) brisati dio „gdje je pravni osnov pravo građenja“ i 4. u članu 8. tačka b) brisati dio „gdje je pravni osnov koncesija“. I obrazloženje – predložene izmjene osiguravaju usaglašenost Zakona o javno-privatnom partnerstvu sa Zakonom o stvarnim pravima Federacije Bosne i Hercegovine, Službene novine Federacije BiH 66/2013 i 100/2013, te dodatno unapređuju njegovu jasnoću praktične primjene. Naime, Zakonom o stvarnim pravima Federacije BiH propisana je obaveza naplate naknade po pravu građenja koja se ne može ukinuti drugim zakonom. To je ova predložena izmjena broj 2. Nadalje, predložene izmjene broj 2, 3 i 4 omogućavaju praktičnu primjenu Zakona. Naime, način na koji su trenutno formulisali član 6. tačka b) i član 8. tačke a) i b) implicira da postoje samo dva pravna osnova za javno-privatno partnerstvo/projekat, pravo građenja i koncesija, što značajno ograničava razvoj određenih vrsta javno-privatnog pro ... partnerstva. Na primjer, oni gdje nema novog građenja odnosno gdje je osnovni predmet javno-privatnog partnerstva projekat, rekonstrukcija javne inf ... infrastrukture. Na osnovu naših vlastitih iskustava u primjeni Zakona o javno-privatnom partnerstvu idu mu slična i relevantna zakonska rješenja Zakon o javno-privatnom partnerstvu Tuzlanskog kantona objavljen u Službenim novinama Tuzlanskog kantona 19/2017 i Zakona o JPP Srednjobosanskog kantona Službene novine Srednjobosanskog kantona 3/2018 evidentno je da postojeća formulacija člana 6. tačka b) i člana 8. pogrešna i da je izmjena neophodna. Hvala.